

MAKONZO MANGEMBA

Makonzo ma ngemba

Ndombolo a nzila mu kintuadi a Kongo

Nkotisua a mpova muzunga kia luzitu

Nsobelo a ngindu mufwandu kia ngangu

Makonzo ma luzitu, luzitu lwa ngemba

Munkadilu a besi Kongo

Makonzo ma ngemba

Nkayilu a mavimpi muningulu a zi mpangi

Makonzo ma kesu, ma nguba ye madioko

Nsobelo a makazu mufuandu kia lukazalu

Ngoma ya kiese muntambulu a Mfumu

Nkadilu a songi muna nduenga a Kongo

Makonzo ma ngemba

Ngolo ye kimosi kia Kongo

Kimvuama kia Ntotela munzanza Ngola

Makonzo ma lusakumunu

Makinu ma nlongo mu nkumbu a Mvuluzi

Nkadilu a ngemba ye kiese

DJNsimba©2009publ/114

MU MPAMBULU A NZILA

Vava tulueke va mpambulu

Valumose ye kuludinu, tutalanga

Malu ye ngangu tufipanga

Kadi malembe tudiatanga, malembe tubanzanga

Meso tuzimanga, nwa tukanganga ye matu malevanga

Kansi tuzimbananga e mwini

Vava tutelemene mu mpambulu

Wonga ye kiadi, kiufu ye nkwaminu

Meso mabuakanga ye ndinga yayumanga

Ntangu, ntima ye ngindu timuka!

Kadi tufwidi mukimongo

Tuladisi e vuvu mu mpambulu ya nkatu

Mu mpambulu a nsi ya kivuila a Béu

Tuvuidi nduenga, nsilu ye mbona-meso
Tuzeye e nzila, tuna ngolo ye mavimpi
Ngiendu munima, nsengo vamoko ye nkalu mu ntú
Mvuela mu moko ye tuvuidi minu mu nsi eto ya kivuila
Mudiata tuna mukingula mavimpi ku Kuilu, Kisaka nate ku Maquela

NSIMBA J DIAS
JDNsimba©2009publ/115

NTALU

Tuadila nate bokomoka
Tuasambila nate boboka

Lukezo watatama kutudiata
Yeto mvidi tu'basula
Kinkala tua m'batika

Menga masabuka
Meno makoloka
Nlembo miazengoka

Nkomi zeto toma nyema
N'kela mieto toma didisa
Boba Lukezo wataluka
Ye nsi y' Angola yakuluka

Nsimba J Dias
JDNsimba©2010publ/02

SAUKA, NTOTELA!

Ngwidi e ndinga,
Nkondelo mpova
Mvuidi ngindu,
Mvwasulu nvuete
Mbwene mwinda,
Munpambu ndadidi

Kinkutu kieto se wonga
Lusambu lueto se kinsanga
Kadi mu mvwasulu tuazingila

Kilu ye luku se ngolo'eto

Ngutukidi, nsasukidi, ndongokele
Kansi mfuidi bonzo
Vava yaki vuatisa nsuku

Banzumuka, tabula e dianza ye
Sauka ku nsi a vuvu

Nsimba J Dias
JDNsimba©2010publ/02